


مسرحية

الأبطال



تأليف

محمد عبد الحميد خطاب

الأبطال

مفتتح

سلوبودان - كارازديتش - توديمان

سلوبودان : ايه أخبار المذابح عندكم فى البوسنة

كارازديتش : عال العال .. الولاد مش ساييين شبر فى البوسنة مادمرهوش .. ولا ارض محروقههش....

رافعين شعار (الارض المحروقة) اللى سيادتك اعلنتوا بحكمه عليهم

سلوبودان : والنساء والاطفال

كارازديتش : الاطفال بنخلص عليهم اول باول .. اما النساء فدل اللى هينجبوا لنا ابناء صربيين [يضحكوا]

ليهم نفس حقوق المسلمين فى الارض

سلوبودان : وبكده تختفى دولتهم ... عاوز دم ... لازم الدم يوصل من عندك لحدود صربيا

توديمان : واحنا ايه اللى حنكسبه لما نتعاون معاكم

سلوبودان : تحفظوا ارواحكم .. وتأخذوا حته من البوسنة يا توديمان ..

توديمان : الشعب الكرواتى متضايق علشان مابنشاركش فى حرق الارض .. ولا بنرفه مع نساء البوسنة

المسلّمات

سلوبودان : ابعث له يا كارازديش شوية نسوان من اللى عندك .. وكبريت يحرق الارض اللى يحبها .

الكروات والصرب اولاد خاله . { يضحكوا }

اللوحه الاولى

المكان : منزل فاضل بمدينة روجاتسيا

الزمن : يوم الغزو

الديكور : (صالة المنزل ، بابان فى العمق يؤدىان الى حجرتين وسلم فى المواجهة يؤدى للدور الثانى ، شباك فى منتصف الحجرة تطل منه مئذنة جامع روجاتسا . اثاث فاخر ينم عن ثراء ، سجادة حمراء فى وسط الصالة .. وبعض الفوتيهات ومنضدة صغيرة عليها تليفون . رف فى الحائط فووقه راديو .

(اصوات رصاص ومدفعية .. تزداد وتتخفف طول العرض . فضيلة تصلى فى خشوع . فاضل يتصفح الجريدة فى اهتمام ، بينما تدخل هاما حاملة صنية الشاى تبدو عليها اثار الحمل . صوت انفجار عالى ، تقع الصينية من يدها وهى تصرخ .. يندفع فاضل نحوها للاطمئنان عليها

فاضل : هاما .. حصل حاجة

ماما : { مفزوعه } لا ... انا بخير ... بس الصينية وقعت .. اروح اجيب حاجة انشف الارض

فاضل : خليك مرتاحة

هاما : طب اعمل شاى تانى

فاضل : اقعدى { صمت } انا ملاحظ انك اليومين دول عقلك شارد .. زى ما تكون فيه حاجة شاغلاك

فضيلة : { تنتهى صلاتها } فيه حاجه مزعلك مننا يابنتى

هاما : { تيكى } بنتى

فضيلة : طبعا بنتى ... عندك شك فى كده { صمت } انتى لك معزه عندى اغلى من معزة اولادى دينو ونورا

فاضل : حد يلاقى ناس بتحبه كده ويكى { صمت } دينو مزعلك ... قالك حاجة ضايقتك

هاما : لا بس كل ما افكر فى اللى بيحصل حوالينا احس بالحزن والخجل منكم

فاضل : وانت ذنبك ايه

هاما : دينى ذنبى انى من الصرب واللى بيقتلوا فيكم بلا رحمة (صمت) المفروض انهم اهلى .

فاضل : لوته اصابت عقول الصرب ما عدوش بيشوفوا غير اطماعهم حتى انهم دنسوا المقدسات

وابادوا الاطفال والكبار . اغتصبوا النساء بقروا بطون الحوامل شئ فظيع . لولا انى

كبرت كنت مسكت سلاح وحاربت لكن للاسف بقيت اتحرك بالعافية

هاما : قدرك يابنى تتولد فى جو كله كره وحقد

فاضل :ويمكن هو ده .. اللى يوحد المشاعر بين الصرب والمسلمين والكروات .. مين يعلم

فضيلة : { لفاضل } دينو .. ابنى مفيش اخبار عنه فى الجورنال

فاضل : { بعطف } تقتكرى انهم هيكتبوا اخبار ابنك فى الجورنال { صمت } بس هو كاتب تحقيق عن مدينة

يزروا

هاما : كاتب ايه

فاضل : كلام محزن ... الصرب اقتحموا القرية ليلة امبارح وابدوا سكانها عن اخرهم وهم الان على

ابواب شيلدوفيتشى { بحزن } اقتربوا مننا كثير

هاما : مجرمين ... مفيش حد قادر يقف فى وشهم { تدخل نورا }

فاضل : ادى صحفية المستقبل وصلت

نورا : { تبدو مهمومة } السلام عليكم { تتجه نورا ناحية الرايو . تفتحه }

ص . الاذاعة : اصدر مجلس الامن اليوم قرارا يشجب فيه الاعمال العدوانية التى يقوم بها الصرب تجاه شعب البوسنة الاعزل . كما قرر مجلس الامن حظر السلاح عن البوسنة والهرسك ويبحث المجلس الان مشروع قرار قدمته الولايات المتحدة الامريكية يقضى بالاعتراف بدولة البوسنة والهرسك وارسال قوات من الامم المتحدة لحفظ السلام الى البوسنة والهرسك .

نورا : { باستتكار } ده ظلم ازاي يعاملوا الضحية نفس المعاملة

فاضل : استنى يا بنتى خلىنا نسمع باقى الاخبار .

ص الاذاعة : والان اليكم كلمة الرئيس

ص الرئيس : ان رسالتى للبوسنيين الذى احسوا بخيبة امل اثر رفض الغرب التدخل هى الشجاعة والايمان بالمستقبل لان الشعب الذى يقاتل من اجل البقاء لا يهزم ابدا .

فضيلة : { بحماس } ايوه .. محدش يقدر يهزمننا { بقلق } بس ابنى خايفه يكون حصله مكروه { صمت } يارب سترك .

فاضل : انتى مش هامك غير ابنك ... والمئات من النساء والاطفال والشيوخ اللى بيقتلوا كل يوم دون ادنى رحمة او شفقة .. تحت سمع وبصر العالم { صمت } مش هامك امرهم { بحزن }

نورا : { بانفعال } حتى الدول الاسلامية مش حتعترف بنا حتى الان .. بالطبع منتظرين اعتراف الدول الكبار بينا الاول .

فاضل : مش عارفين اننا خرزة فى العقد الاسلامى لو سقطنا هتكون البداية لسقوط باقى الدول الاسلامية .

هاما : { بحزن } انا معدتش فاهمة حاجة .. حاسة ان الدنيا بتسود فى عينى {تتحدث كأنها فى حلم } كنا امبارح بنلعب ونمرح مع بعض .. مسلم وصرى وكرواى .. نروح المدرسة والجامعة ايدنا فى ايد بعض ... كان بيجمعنا الحب ... ايه اللى قلب الدنيا كده ليه ماعدناش طايقين بعض {

نورا } فاكره لما كنا فى كلية الاعلام فى السنة الاولى واخوكى فى السنة النهائية

نورا : { بحماس } اول يوم شفت اخويا .. قولتى لى .. انا حاسة ان مصيرى ومصير اخوكى واحد ورغم رفض اهلك لفكرة ارتباطهم .. الا انك اصريتى وقاومتى ونجحتى رغم مقاطعة اهلك

هاما : وعمرى ما حسيت بالندم بالعكس حب دينو وحكم بيزيد فى قلبى كل يوم عن اللى قبله .

فضيلة : { تنظر لبطن هاما } خلاص فاضل اسبوعين والطفل الجميل بيحى

نورا : وابقى انا عمه ... واتأمر على الولد

فاضل : ومين بقى اللى ح يسبيك تعملى كده { يضحكوا }

فضيلة : تفنكر يا فاضل سبب الحرب دى ايه { الظلام تدريجى فى المسرح . تركيز الاضاءة على فاضل ونورا . }

الأبطال

فاضل : ده مشوار طويل

نورا : بدأت الازمة عام ١٠٥٤ ميلادية

فاضل : لما انقسمت الكنيسة الارثوذكسية والكاثوليكية

نورا : واعقتها مذابح بين الصرب اللي اعتنقوا المذهب الارثوذكسى والكروات اللي اعتنقوا المذهب الكاثوليكي .

فاضل : فى نفس الوقت ظهرت طائفة البوغميل { السعادة الالهية } تيار اصلاحى داخل الكنيسة الارثوذكسية تختلف معها فى القضايا الدينية والفلسفية .

نورا : البوسنيين اصحاب المذهب الدينى البوغميل ... ومن هنا نشأت الكراهية بينهم وبيننا

فاضل : حاول الامبراطور البيزنطى القضاء على الطائفة الجديدة .. خصوصا بعد ما اعتنق المذهب الكثير من المسيحيين فى جنوبا فرنسا .

نورا : وقامت مذابح ضدهم .. حيث قتل الامبراطور البيزنطى اكثر من ثلاثة ملايين انسان وما تبقى منهم جاعوا واستوطنوا هنا فى البوسنة .

فاضل : برغم صلابتهم ووقفهم بقوة ضد فرض اى مذهب دينى عليهم الا انهم فتحوا ابوابهم للاسلام ... ولما جه الاتراك للمنطقة وهزموا الصرب ولقوا البوسنة بتفتح ابوابها لهم .. المفاجأة اللي كانت فى انتظار الاتراك هى اسلام البوسنيين على يد اتجار المغاربة .

نورا : كان لتحطم اللحم الصربى على صخرة الاتراك والبوسنيين المسلمين اثر اصعب من انهم ينسوه .. اثر ظل مترسب فى نفوسهم تحت سفارات الوحدة التى حملها الاتحاد اليوجسلافى سنين .. وفشل وكان لازم تقوم الحربحرب تطهير مثل ما بيطلقوا عليها

{ اضاءة جوانب المسرح }

فضيلة : الشعوب ممكن تنسى لكنها مش ممكن تغفر {صوت انفجار . تصرخ نورا .. تهدئها فضيلة . هاما ترسم علامة الصليب .. فاضل يستطلع الامر من النافذة}

فضيلة : { بفرع } فيه ايه يا فاضل { صوت عربات الاسعاف والمطافى . اصوات همهمات من الناس المتجهه لاستطلاع الامر }

فاضل : مش عارف .. كل اللي شايفة نيران مشتعلة بالمنازل المجاورة للجامع .. الظاهر انهم كانوا قاصدين الجامع .. بس الحمد لله القذيفة اخطاتها

نورا : معنى كده انهم قربوا من بيتنا

هاما : واياه العمل دلوقت

فاضل : العمل عمل ربنا

هاما : { بقلق } ياربى .. دينو اتاخر قوى

فضيلة : تفتكرى انهم اصابوه . والا { تكلم فيها بيدها }

هاما : لا دينو ح يرجع علشان ابنه اللي لازم يرج للدنيا يلقى ابوه قدامه

فاضل : { يفتح الاذاعة } استنوا يا جماعة

ص الاذاعة : بعد ان استولى الصرب على قرية يزروا .. سقطت منذ قيل قرية شيلد وفيتشى تحت وطأة الضربات العنيفة للجيش الصربى المسلح باحداث العتاد والاسلحة وما زالت عمليات القتل والسلب والحرق مستمرة داخل القرية من ناحية اخرى تحاصر قوات الصرب مدينة روجاتسيا .. استعداد لاجتياحها . { يغلق فاضل الراديو }

فاضل : هونوا عليكم .. واتذكروا الاية الكريمة { بسم الله الرحمن الرحيم " قل لن يصيبنا الا ما كتب الله لنا . صدق الله العظيم } .. الجميع يصدق وراءه . صمت . يستمعون فى خشوع الى ابتهالات

الشيخ عصمت فى جامع روجاتسيا

المجموعة : يا رسول الله يانبي .. يا رسول الله يا نبى

الامام : { يرد بصوت عذب } يا رسول الله يا نبى .. يا رسول الله يا نبى

المجموعة : يا رسول الله يا نبى

الإمام : يا نبى

المجموعة : { بصوت يبدا فى الارتفاع تدريجيا } يا رسول الله يا نبى

الإمام : يا نبى

المجموعة : مشتاق لنور النبى والنبى مشتاق .. والنبى مشتاق

الإمام : مشتاق يا نبى

المجموعة : شفيعى يوم القيامة والشفيع فيه عزاء

الإمام : مشتاق يا نبى

المجموعة : طه محمد حبيبي للقلوب ترياق .. للقلوب ترياق

الامام : مشتاق لنور النبى .. والنبى مشتاق .. والنبى مشتاق

المجموعة : يا رسول الله يا نبى ... يا رسول الله يا نبى

الامام : يا رسول الله يا نبى

المجموعة : يا رسول الله يا نبى

الامام : يا بنى يا نبى

المجموعة : اشوف حمام الحمى بيحوم فى كل مكان

الامام : مشتاق يا نبى

المجموعة : هو اللي يوم مولده فجر النبوة بان ... فجر النبوة بان

الامام : مشتاق لنور النبى ... والنبى مشتاق .. والنبى مشتاق

المجموعة : يا رسول .. يا { ينقطع الصوت وسط انفجار مدوى واضواء مبهرة تبدو بجلاء من خلال

الشباك يضئ المسرح اضاءة متفاوتة بين القوة والخفوت يجرى جميع افراد الاسرة فى كل

مكان فى فزع وصراخ . تخفت النار تدريجيا ويضىء المسرح مرة اخرى هاما تقف بجانب الشباك تستطلع الموقف . فضيلة مغمى عليها على احد المقاعد ونورا من وراء احد المقاعد تهرع الى فضيلة

نورا : { بفزع } امى .. فوقى يا امى { تسرع هاما الى احدى الحجرات وتاتى بكوب ماء. ترش نورا قليلا على وجه امها حتى تفيق . فاضل يخرج لاستطلاع الامر . اصوات عربات الاسعاف...}

فضيلة : { فى حالة هيستريا } ابنى ...ابنى .. هاتولى ابنى

هاما : ان شاء الله .. ح يرجع لينا بالسلامة

فضيلة : يارب ارفع مقتك وغضبك عنا .. يا كريم

فاضل : { يدخل وهو فى حالة وجوم }

نورا : شفت ايه يا ولدى

فاضل : { بحزن } منظر فظيع .. حتى المقدسات ما سلمتس من ايديهم .. حولوا الجامع لاثر بعدين .. اختفى كل اللى فيه ...{ دقائق عنيفة على الباب .. الجميع فى حالة ذعر }

نورا : امى انا خايفه يعنقلونا ويعذبونا .. ويـ { لسانها يعجز عن الكلام }

فاضل : اهدى يا بنتى { تفتح الباب .. يدخل دينو مرتديا ملابس عسكرية } دينو

دينو : { بفرحة } والدى { يحتضنه .. يقبل الام ونورا . يمسك بيد هاما يتاملها باعجاب } هاما حبيبتي ... { تحضنه ويضع اذنه على بطنها . طمنيني ابنا عامل ايه فى الظروف الصعبة دى }

هاما : سعيد انه له اب بطل

دينو : مال وشك مخطوف كده ليه

هاما : من الخوف عليك { فاضل يحمم .. هاما تخجل } اسفه ياعمى اخذت دينو منكم

فاضل : لا خدوا راحتكم .. بس بعد ما نستفهم الاول عن اللى بيحصل حوالينا

فضيلة : { بلهفة } كنت فين يا ابنى .. كده تفلقنا عليك

فاضل : امك من ساعة ما مشيت .. وهيه معيشانا فى قلق عليك ..

نورا : وهاما كانت عاملة اضراب عن الاكل .

دينو : بقى انا غيايى سبب لكم القلق ده كله

فاضل : ارتاح الاول يا ابنى الاول

دينو : ارتاح ازاي بعد المذابح اللى شفتها فى شيلدوفينشى .. شئ رهيب .. رهيب

نورا : احكى لينا كل حاجة شفتها

دينو : كنت باغطى احداث الحرب .. زى ما كلفتنا جريدة صوت البوسنة { صمت }

نورا : { بالحاح } كمل ...

دينو : اقتحمت قوات الشيتينك الصربية وهما يحرقوا البيوت ويقتلوا الاطفال .. وهما بيغتصبوا النساء ..
قتلوا ٤٠٠ طفل وامرأة ورجل قدام عيني ودفنوهم فى مقبرة جماعية بدون رحمة او شفقة ..
{ هاما تتسحب جانبا دون ان يدري بها احد }

فاضل : { مشير لملايس دينو } انت انضميت للجيش البوسنى

دينو : انضميت للفدائيين

فضيلة : { بلهفة } وحاربت

دينو : { بفخر } زى اى وطنى مخلص بيحارب

نورا : احكى ليانا ازاي حاربت .. وازاي نفذت منهم بعد ما استولوا على القرية

دينو : حاربنا بكل حاجة وصلتها ايدينا .. انايبب الغاز وبنادق الصيد .. وسكاكين ومطاوى وعصى وحجارة
.. { صمت } قاومنا رغم عدم تكافؤ القوة بينا وبينهم .. قاومنا رغم استشهاد كثير مننا ..
لكنهم ماتوا وابتسامه الرضى على وجوههم لانهم ادوا ادوارهم بكل بسالة .. { صمت }
قدرنا نستغل ثغرة فى صفوفهم هربنا منها .. وجيت علشان اخدكم لمكان بعيد عن هنا ..

نورا : { بقلق } هما قربوا كثير

دينو : قربوا .. بس انا عارف طريق مختصر نخرج منه لمكان امن

فاضل : { بسخط } جه اليوم اللي نسيب فيه بيتنا ونهرب زى الفيران المذعورة قدام شوية لصوص

فضيلة : ازاي نسيب البيت اللي اسسناه انا وانت طوبه طوبه .. البيت اللي ياما شفنا فيه لحظات واورقات
جميلة .. وجيراننا ازاي نعوضهم .. صعب ... حاسة لوسيينا البيت ح اموت

دينو : لو قعدنا ح نموت .. بس بعد ما يتلذذوا بتعذيبنا .. اشكال والوان .. ارجوكى يا امى انا شفتهم بيعملوا
ايه فى الاسر اللي بياسروها .. ده حتى الاطفال مبيسلموش من ايدهم .. خلينا نسيب المكان
ده وخلي كل حاجة زى ما هية .

فاضل : جهزى هدمتين وهاتى الفلوس والذهب .. الرحلة طويلة ومصاريها كثير . مش ماعقوله نسيبهم
للاوغاد دول

فضيلة : { وهى تصعد السلم } تعالى معايا يا نورا نجهز حالنا .. حسبى الله ونعم الوكيل

دينو : { لهاما } واقفه بعيد ليه { صمت } الكلام خدنى ونسيت { هاما تبكى } وينسحب فاضل خارجا ..
مالك .. { صمت } مش اتفقنا ان دموعك غالية عليا ... ولا انتى ناوية تزعيلنا .

هاما : ما اقدرش على زعلك

دينو : امال بتبكى ليه ٠٠٠ عاوزه ابننا يطلع كشرى { تبتسم هاما } الله .. اجمل ابتسامه

هاما : وحشتنى قوى { صمت } وكل ما افكر انى ممكن اتحرم منك فى اى لحظة باحس بتعاسة

دينو : ده اللي مزعلك

هاما : وهو البعد عنك شوية ... دا الموت بعينه

دينو : عشان كده لازم نهرب بحبنا من وسط الجحيم ده { صمت } هواديكم مكان امن

الأبطال

هاما : { متراجعه فى شك } هتودينا ... هو انت مش ح تكون معانا
دينو : { بحنان } انتى عارفه يا حبيبتي انى ضمن مجموعة من الفدائيين .. وما اقدرش اتخلى عنهم ولا عن
الواجب المقدس

هاما : يعنى ح نفترق تانى

دينو : لازم نحرر الوطن .. لاجل ابننا يتولد حر ابن احرار

هاما : { فى شرود } وارجع اعد الساعات والدقائق والثوانى فى انتظارك

دينو : لازم نضحى

هاما : الانتظار مر { تحاول الجلوس بصعوبة } حاسة بجسمى بيتنقل

دينو : { يسندها } ارتاحى يا حبيبتي { يدخل فاضل وفضيلة ونورا }

دينو : فىن حاجاتكم

فاضل : احنا قررنا نفضل فى بيتنا

نورا : مش لازم نسيهم ياخدوا كل حاجة على الجاهز

فضيلة : لو كلنا هربنا يابنى .. هاتختفى دولتنا من الوجود

نورا : وهو ده اللي هما عاوزينه .. ارض بلا شعب

دينو : لكن وجودكم هنا .. هو الموت بعينية

فاضل : الموت ح يصيبنا فى كل مكان

نورا : يبقى نواجهه هنا

هاما : وانا معاكم

فاضل : { باشفاق } بس انتى حامل يا بنتى و

هاما : { مقاطعه } ابنى لازم يتولد فى بيته

دينو : انا فخور بيكم .. حبى ليكم عمانى عن حاجات كثيرة .. فعلا مش لازم نتخلى عن اى شبر من
ارضنا .

الجميع : نeced ونواجه { صمت . يجلسوا . اصوات الرصاص والانفجارات تقترب . فضيلة تمسك بمصحف

وتقرا { بصوت هامس . يقوم دينو يفتح الرايو }

ص الاذاعة : { جاعنا هذا النبا العاجل . اعترف مجلس الامن فى ساعة متأخرة من صباح اليوم بجمهورية

البوسنة والهرسك .. كما شجبت الاعمال الوحشية من جانب الصرب وطالبت جميع

الاطراف بضبط النفس }

فاضل : الله اكبر

فضيلة : الحمد لله

نورا : اخيرا اعترفوا بدولتنا

فاضل : المهم يتدخلوا قبل ما قوات الصرب تبيد شعبنا

هاما : يارب يجعل السلم على ارضنا وبلدنا { ترسم علامة الصليب } ويعود الحب والوثام

الجميع : امين { اصوات خطوات اسفل المنزل .. واناس بيهمهمون }

فاضل : { لدينو } اقل الراديو { لنورا } اطفى جميع الانوار . { الجميع : جالسون فى حالة من الارتباك .

ضوء ضعيف يكاد يبين وجوههم . صوت دقات قلوبهم)

صوت : انت اطلع من هنا ... وانت خليك هنا .. وانتو تعالوا معايا

صوت اخر : تفنكر ان ده البيت اللى جات لينا معلومات عن وجود ارهابى عندهم

الصوت الاول : هو بعينه .. وبعدين هو مش هو .. لازم نفتشه علشان نحصى الغنائم

{ خبطات عنيفة على الباب .. رعب يسيطر على الاسرة }

صوت : { زاعقا } اكسر الباب { يفتح الباب تحت وطأة الضربات } يدخل الجنود يتقدمهم ضابط يبدو عليه

العصبية والقسوة . يضى الجنود النور . يقف افراد الاسرة .

الضابط : { بسخرية } يعنى انتوا موجودين فى البيت .. طب مش لما يجى ضيوف عندكم يخطبوا على الباب

تفتحوا لهم .. كنتوا فاكرين اننا ح نزهق ونمشى ها ... ها .. ها

الضابط : { الجنود يضحكون } يظهر احنا هنتقل عليكم شوية

{ يجلس على احد المقاعد فى يده اوراق يتصفحها .. يعلق احد الجنود صورة سلوبودان مليونفتش وعلم

صربيا وصورة كارادويتش زعيم صرب البوسنة . باقى الجنود يصوبون اسلحتهم نحو

اسرة فاضل . الضابط يتصفح الاوراق فى يده باهتمام }

الضابط : انت بقى دينو .. { صمت } الارهابى

دينو : اللى بيدافع عن وطنه ما ييقاش ارهابى

الضابط : وكمان بتعلى صوتك { يضرب احد الجنود دينو بمؤخرة البندقية . يتالم دينو }

الجندى : الزم ادبك يا حمار

الضابط : { ينظر لنورا بشهوة } القمورة ده اختك

فاضل : دى ملهاش ذنب . لو فى حاجه حاسبنى انا عليها

الضابط : ما هو انت لو كنت راجل .. كنت بعدت ابنك من الاول عن سكة الارهابيين ..

شوية العيال دول اللى فاكرين انهم ممكن يهزموا قوات الشتيك بكل قوتها وجبروتها . فاكرين انهم يقدروا

يقفوا قدام مشروع صربيا الكبرى ها ها { الجنود يضحكون }

فاضل : وايه المطلوب منا

الضابط : احنا عاوزين ابنك يتعاون معنا .. اذا كان عاوز ليكم الخير

دينو : { مستربيا } اتعاون ازاي .. اذا كنتم تقصدوا انى ابلغ عن زملاى ... فده مستحيل

الضابط : { يتقرس وجه دينو . يقرأ الملف الموجود فى يده } الاسم : دينو .. السن : خمس وعشرون عاما

.. الزوجة : هاما صربية - المهنة : صحفى { صمت . يضيف } ارهابى عضو فى خلية

ارهابية هدفها القضاء على الشعب الصربي { يغلق الملف . لدينو } انت شاب شجاع وذكى
فى ايدك انقاذ اسرتك ان اردت .. ساعدنا نساعدك .

دينو : مستعد اساعدكم بس بشرط

الضابط : { بسخرية } شرط .. قول يا سيدى قول شرطك

دينو : اسرتى ترحل الاول بسلام وبعدها

الضابط : { مقاطعا } ح يحصل .. بس فى الوقت اللى احنا نشوفه مناسب

دينو : امتى

الضابط : لما تجاوبنى على بعض الاسئلة البسيطة { مؤكدا بصراحة } .. ساعتها اسبيك ترحل لاي مكان
تحبه انت واسرتك .. او تبقى معنا كمواطن صالح . نرعاك ونحميك .. غير المكافاة اللى ح
تاخذها

الضابط : { بود } اجلسوا الاول .. اولا عاوزك تعرف حدود قوتنا .. احنا نملك اكبر جيش فى اوروبا ..
وانت عارف ان القوى دايما يفرض كلمته على الضعيف يعنى مافيش دولة هتمد ليكم
يد العون .. سبيك من الكلام الفاضى والثرثرة اللى بتحصل فى الامم المتحدة .. كل ده تمثيل
.. يعنى اعترافهم بدولة البوسنة والهرسك مش معناه انكم ح تحكموها .. فاهمنى طبعاً ..
من ناحية تانية الحرب ح نكسبها ... ح نكسبها .. وشوية الارهابيين اللى ببسموا نفسهم
وطنيين ح نفعصهم زى الحشرات .. خليك ذكى واتعاون معنا .. { صمت } طبعاً انت
عارف مكان الخلية الارهابية اللى كنت منضم ليها

دينو : { بغضب } احنا مش ارهابيين

الضابط : احنا .. بتعتبر نفسك جزء منهم جميل { صمت } وعموما نعدل الجملة .. رجالكم الشجعان .. قولى
بقى موجودين فين

نورا : { محذرة } متقولش يا دينو { يضربها عسكري بمؤخرة سلاحه . تسقط مغشيا عليها . فاضل يحاول
الدفاع عنها يتراجع امام فوهات البنادق المصوبة اليه }

فضيلة : { تحاول افاقتها } هيه بنتى تستحمل الضرب ده كله... منكم الله

الضابط : { لدينو } وصلنا لحد فين

هاما : { لدينو } اوعى تبيع وطنك وتقول لهم حاجة

الضابط : { زاجرا } .. اخرسى .. انا ممكن احاكمك بتهمة الخيانة العظمى

هاما : { بسخرية } خيانة عظمى لمين ... لقتلة وسفاكين دماء زيكم { الجنود الصرب ينزلوا السلاح
وينتبهون لكلام هامما }

الضابط : { محذرا } انتى كده بتعيبي فى النظام .. وبتهاجمى سياسة دولتنا

هاما : بكرة يجى اليوم اللى الشعب الصربي يكتشف فيه حقيقتكم ويحاكمكم على جرايمكم فى حق البلد ..
وحق الدين المسيحى اللى لوثتوه بافعالكم الحقيرة ضد شعب اعزل مسالم

الضابط : احذرى الفيض كال بيا .. ولولا انك صربيه كنت خليت الجنود

هاما : { مقاطعة } يقتلونى ما انتو قتلتموا احلام الشعب كله .. يغتصبنى ما انتو اغتصبتوا حقوق الغير فى

الحياة .. وحقوق شعبنا فى العيش بسلام

الضابط : { يصفق بسخرية } شئ مؤثر جدا { للجنود } مش كده { الجنود ما زالو منتبهين } { زاعقا }

انتباه .. فيه ايه .. ارفعوا سلاحكم يا اغبياء { لدينو } طبعاً انت اعقل من انك تسمع لكلامهم

{ صمت } انت عارف تعاونك مش بس ح ينقذ اسرتك .. ده ح يقلل من خسائركم للارواح

لاننا بعدما نقض على الارهابيين ح نصدر عفو عنكم

فاضل : { ساخرا } عفو بعد ما قتلوا الالاف من شعبنا البرئ بعد ما حرقوا القرى جاى تتكلم عن

العفو

الضابط : { بعنف } اخرس .. مش عاوز صوت هنا يعلى على صوتى .. انا بس اللى اتكلم هنا { زاعقا }

{ ميكولا .. { يدخل جندى نحيف . يخرج الضابط سيجارة } انا ح اعرف ازاي اربيكم

الضابط : ميكولا { يسقط ميكولا على الارض } قوم يا مصيبة

ميكولا : نعم يا سيدى { ينظر لقدمه } اسف يا سيدى ما رفعتش الشراب .. اصلهم ما لاقوش شراب على

مقاسى فى الجيش ... تصور بيقولوا رجلى نحيفة { يضحك }

الضابط : { متبرما } انت ح تحكى لى قصة حياتك

ميكولا : { ببلاهة } متفكر نيش بقصة حياتى .. انت عارف

الضابط : { مقاطعا } اخرس يا غبى اخطر حاجة عملتها قوات الشنتيك اعتمادها على حثالة الشعب الصربى

.. من الاصلاحيات والسجون والعاطلين عن العمل .. حثالة { لميكولا } شايف الراجل ده {

يشير لفاضل } خده بره لحد ما اقولك هنعمل فيه ايه

ميكولا : حاضر يا سيدى .. { يتجه نحو فاضيلة } يمسك بذراعها يللا بينا { ترتجف فضيلة . تنزع زراعها }

الضابط : بتعمل ايه يا مصيبة

ميكولا : باخد الراجل ده .. حسب الاوامر

الضابط : دى ست .. يا حمار الراجل اهوه قدامك

ميكولا : { يتأمل فضيلة } دى ست ها ها ... جميلة وجسمها بيشح حرارة تدفى .. ممكن اخدها بدل الراجل

الضابط : نفذ الاوامر يا غبى .. والبس نضارتك لحسن تودينا فى داهية

ميكولا : سقطت منى فى الحرب

الضابط : غور من وشى وخليهم يعملوا ليك نضاره

ميكولا : { يتحرك بمفرده } راجل عظيم قلبه طيب

الضابط : استنى يا غبى رايح فين

ميكولا : افصل نضارة

الضابط : بعدين .. دلوقتى خد الراجل ده معاك .. ومتورنيش وشك تانى

الأبطال

ميكولا : { ياخذ فاضل . لنفسه وهو خارج } .. راجل غبى قاسى .. { تحاول نورا منعهم . احد الجنود
يدفعها فتسقط على الارض }

نورا : انتو ناوين تعملوا ايه فى بابا

الضابط : ماتخافيش ... لو تعاونتوا معانا ح يرجعه لكم .. والا

دينو : هنت ..

الضابط : { بخبث } مش عارف انت واخذ الموضوع بحساسية ليه .. دى معلومات بسيطة .. يعنى مثلا زى
ما قولت من شوية مكان الخلية اللى بتعمل معاها في...مصادر تسليحكم .. ازاي بتحصلوا
عليها .. اسئلة سهلة تجاوب عليها تاخذ صك الحرية وترحم امك واختك ومراتك ووالدك
المسن من البهدلة .. فاهمنى طبعاً ..

فضيلة : لا يا دينو اوعى تخون وطنك { دينو ذاهلا ينظر حولة حائرا }

الضابط : لو رفضت امك واختك ومراتك ح نقدمهم طعام شهى لجنودنا

نورا : احنا ممكن نتحمل اى عذاب الا عذاب الخيانة

الضابط : فكر بايجابية اقولك انا هاساعدك فى التفكير { ينادى ميكولا }

ميكولا : { يدخل يتعثر فى بنطلونه } اسف يا سيدى البنطلون الملعون طويل .. وبيتعمد يوقعنى .. بس ح
اقصه

الضابط : هات الراجل اللى بره { ميكولا يخرج ويأتى بفاضل بسرعة بشكل مسرحى } الخبرة علمتتى ان
لما صديق زيك يتعثر فى التفكير .. اساعده بانى { يطلق الرصاص على فاضل } اقتل اقرب
شخص ليه

جندى : تنتشين هائل { نورا تحاول الوصول لابيها فيمنعوها الجنود . فضيلة تصرخ وهاما تبكى ودينو واجما
{

نورا : مجرمين .. اندال .. والدى .. قتلوه غدر الكلاب

ميكولا : { بتاثر } قتلت الراجل ده ليه

الضابط : قتلته زى ما قلت قبل كده وزى ما هتقتل بعد كده .. عشان نظهر الارض منهم

جندى : { بفرحه } باحب منظر الخبث وخصوصا اذا كانوا مسلمين

الضابط : { لميكولا } الاسرى عبيئ علينا . محتاجين ياكلوا ويشربوا وليهم حقوق .. وجع دماغ وانت عارف
انا باكره اسر الرجال .. لكن الستات اه

جندى : علشان الترفيه

الضابط : { ينظر لجثه فاضل } منظر هاييل .. الموت بيدي شكل ملائكى للانسان .. { لميكولا } بص شكله
زى الاطفال

ميكولا : { لنفسه } انت وغد .. انا مصمم دلوقتى اكثر من الاول انى ما استعملش السلاح تانى فى قتل حد

الضابط : { يخاطب الجنود } يا حراس احلام الصرب .. اعرفوا ان كل ما تقتلوا اكثر تصعدوا فى المناصب العليا لجيشنا بسرعة { لدينو } وانت ح اسبيك دقيقة تفكر وبعدها ح ينفذ صبرى { للجنود } خدوا الجثة دى بره

جندى : بس المقبرة اللي عملناها اتملت عن اخرها

الضابط : اعملوا واحدة تانية وتكون دى { يشير لجثة فاضل } اول ضيوفها {يخرجوا الجثة }

فضيلة : { لدينو } اوعى تتعاون معاهم .. دول مالمهوش عهد

هاما : متصدقش كلامهم

نورا : دم ابوك هيبقى راح هدر.. لو اتكلمت

دينو: (مقاطعا) قتل والدى بداية بس .. ما تعرفيش ممكن يعملوا فيك ايه وفى اختى ومراتى دول ما عندهم مش

ضمير

هاما : وحالنا مش ح يتغير بتعاونك معاهم ... ادبك شفت اسهل حاجة انهم يقتلوا

دينو : { لنفسه } بيقى مفيش غير انى احاول الهرب فى اول فرصة . لان ضغوطهم على مش هاتنتهى

ويمكن اسلم اسماء زملاى ليهم .. فى لحظة ضعف

الضابط : { لدينو } وقت المناقشة انتهى هنتعاون معانا وللا

دينو : دلوقتى بس.. انا مصر على عدم التعاون مع قتلة زيكم

الضابط : { ميكولا } فتنش الارهابى ده ذاتيا

ميكولا : { باستغراب } ايه..

الضابط : فتنشوا تفتيش ذاتى

ميكولا : { يدور حول دينو باستغراب .. ينظر للضابط ويهز كتفه } مش فاهم

الضابط : فتنشوا { ميكولا يفتش دينو . يجد ورقة }

ميكولا : وجدتهاوجدتها

الضابط : ومستنى ايه اقراها

ميكولا : { ميسك الورقة ويقلبها فى حيرة } فين الكتابة

الضابط : { ياخذ الورقة } كل الكتابة دى مش عجايبك { يقرأ الورقة بهمه غير مفهومة } ده اللي كنا

عاوزينيه { ينادى } ايفانوفش { يندخل }

ايفانوفيش : نعم يا سيدى

الضابط : فتنش الشقة .. واى شئ تلاقىه هاته بسرعه قبل ما نحرق البيت

ايفانوفيش : حاضر يا سيدى

الضابط : تحرك يا غبى.. فتنش الشقة

ايفانوفيش : اى شقة .. دى فيلا

الضابط : فتنش الفيلا ... مش عارف اتحدفتوا علي من اى مصيبة

ايفانوفيش : من السجى سىدى

ميكولا : اتكلم عن نفسك انا جيت من الاصلاحية

الضابط : { يصرخ } اتحركوا { يصعد ايفانوفيش ومعه جنديان السلم . بينما يفتش اخر باقى حجرات المنزل بالدور الاول . زلاتكو بيصوب سلاحه ناحية الجندى } انت يا مصيبة موجه سلاحك ناحية

مين

زلاتكو : ناحية الارهابى { ينظر فى اتجاه السلاح . يخجل } اسف يا سيدى

الضابط : اوه انجندى يارب { لميكولا } خذ البنت وامها والعروسة دى { بيشير لهما } تحت ح ناخدهم معانا معسكر سرينا .. جنرال ماكنزى هيزور المعسكر اليوم .. ولازم نقدم له حاجه جديدة

تفتح النفس .. وتسد بقه

دينو : { مندهشا } جنرال ماكنزى .. قائد قوات الامم المتحدة

الضابط : ايوه .. فيه اعتراض

دينو : انت كداب

الضابط : { بسخرية } اختك حتروح هناك وتقولك { يضحك } طبعا فى الاخرة .. او فى الجحيم { ميكولا وزلاتكو يحاولان انتزاع نورا وهاما لكنهما يقاومان }

دينو : { يركع تحت قدم الضابط } ارجوك اقتلهم اذبحهم .. بس بلاش معسكرات الاعتقال

الضابط : ممكن نغفو عنكم بشرط تتركوا دينكم الابله .. وتدخلوا فى ديننا

دينو : مش ممكن نتخلى عن ديننا

الضابط : كنت متوقع ردك .. ولك ردى .. ميكولا { اقتل الولد ده .. متراجعا } بلاش انت لحسن تقتلنى..... زلاتكو اقتل الولد ده

{ زلاتكو يصوب سلاحه لدينو . هاما تقف مواجهة السلاح لحماية دينو تصيها الرصاصة تسقط فى حزن دينو }

دينو : ايه اللى عملته { ينزل ايفانوفيش والجنود محملين بالحقائب }

هاما : دى اسعد لحظة فى حياتى . انى فديتك بروحى يا اغلى من الحياة

دينو : هان عليكى تسببى لوحيدى

هاما : انا باسيبك لقضية اعظم واهم منى .. وطنك { تموت . بيكى }

الضابط : { لزلاتكو } برافو ... بنتشن كويس

زلاتكو : كتر القتل علمنا التنشين

صوت انفجار يحدث ارتباك . يهرب دينو من شباك المنزل . يطلق الضابط الرصاص عليه دون جدوى يخرج فى اثره زلاتكو وميكولا

الضابط : { من الشباك للجنود بالخارج } امسكوا الولد ده اقتلوه ... انا ح اعرف ازاي { يدخل ميكولا مسكتوه ينظر ميكولا للارض . رد ياغبى }

الأبطال

ميكولا : هرب يا سيدى .. الولد ده سريع جدا .. عمرى ما شفت حد بيجرى زيه ورغم انى { يدخل
زلانكو } مسكته الا انه هرب وقالى يا غبى وجرى
زلانكو : اللى مسكته ده يبقى انا يا غبى .. يا فندم الانفجار اللى سببته المقاومه هو السبب
الضابط : يعنى هرب وسطكم يا اغبياء .. هاتوا اسرته وتعالوا ورايا.... احرقوا البيت باللى فيه.. مش
عاوز حاجه تفكرنى باليوم الاسود اللى دخلته فيه
زلانكو : احلى امر باسمعه من قائدنا
ايفانوفيش : انا اللى عليه الدور اولع فى البيت
زلانكو : لا انا
ايفانوفيش : لا انا{ يتجادلان بينما يظلم المسرح }
اظلام

اللوحه الثابته

المكان : احد المغارات فى جبال مدينة روجاتسيا
ديكور : مغارة واسعة لا شئ داخلها سوى مساطب قليلة مفروشة بمفارش بسيطة وشموع تنير المكان ...
خريطة كبيرة معلقة على الحائط .. ومدخل فى المواجهة للجهور ومدخلين جانبيين
لحجرتين.. صورة على عزت بيجوفيتش معلقة بجوار الخريطة .
{ راجى احد رجال المقاومة يرقد على احد المساطب وجواره الراديو يقلب فيه .. والسلاح بجوار الحائط
.. بينما عامر ينظف سلاحه .. تبدو على عامر اثار المرض }
صوت الراديو : اتخذ مجلس الامن قرار بعمل مناطق منزوعة السلاح .. تحت اشراف الامم المتحدة .. من
ناحية اخرى اودى قصف المدفعية لاحد اسواق بسرايفوا يودى بحياة اربع وعشرون فردا
راجى : { يغلق الراديو } مسيرنا نحرك يا بوسنا ... مسيرنا نروى ارضك من دم اعدائك
عامر : { مسترينا } ازاي وهما كل يوم بيكسوا ارض جديدة ويزيدوا قوة واحنا بنزيد ضعف
راجى : خليك واثق فى عدالة ربنا .. وفى ارادتنا .
عامر : نفسى اعرف الامم المتحدة موقفهم مننا ايه بالضبط .. وايه اللى تقصدها بالمحميات دى
راجى : عاوزين يفرضوا الامر الواقع علينا .. بحجة حمايتنا .
عامر : عاوزين يحطونا زى الفراخ جوه اقفاص وساعتها نقبل بقراراتهم الظالمة او نواجه خطر الابدان من
الصرب .
راجى : خطة قدرة { يدخل شاكر مبتسما } اول مرة اشوفك مبتسم من اول الحرب
شاكر : جاى ومعايا ضيف قصدى صديق منتظرينه كلنا .
راجى وعامر : { معا } دينو { يدخل دينو يعانقانه }

الأبطال

عامر : اجمل مفاجاة لنا

راجى : سعيد بعودتك يا بطل

عامر : وعرفت تتفد منهم ازاي

شاكر : خليه ياخذ نفسه الاول الراجل له ثلاث ايام بيهرب من مكان لمكان وعاوز يرتاح

دينو : الراحة ح تيجى منين والاب والزوجة اتقتلوا والام والاخت اتاسروا

شاكر : مش انت بس اللي خسرت ناس بتحبهم .. كل بيت بوسنى خسر اب وام واولاد.. ارفع راسك وخط

ايدك فى ايدنا وتعالى نحارب وندافع عن وطننا

دينو : انا كنت انانى فى احزاني .. وادى ايدى ممدوده اهيه { يسقط مغمى عليه }

شاكر : سبوه يرتاح { وينقله عامر وراجى على احدى المصاطب }

عامر : باين عليه قاسى كثير .. اليومين اللي فاتوا

شاكر : الكل بيعانى { لراجى } هم الاخوات اللي لاقيناهم فى الجبال مستخبيين اخبارهم ايه

راجى : حالتهم النفسية عاليه جدا .. وطلبوا تجنيدهم معنا

عامر : نضمهم لزميلاتهم المقاتلات

شاكر : بعد ما تتأكد من مدى اقتناعهم باشتراكهم فى الحرب .. ويكون بارادتهم

عامر : طبعاً .. طبعاً

راجى : { مداعبا } بعد كده هنعلمهم فرقة لوحدهم { يضحكوا }

شاكر : تعالوا نخطط لعمليتنا الجديدة .. ونسيب دينو ينام { يدخلوا جهة جانبية . اضاءة خافته بالمكان .

دينو يتقلب فى نومه .. يظهر اسرة دينو }

دينو : والدى .. امى .. هاما .. نورا .. انتوالسه عايشين .. بخير .. اكيد ده حلم .

فاضل : كده برضه يابنى تهرب وتتخلى عن اهلك

دينو : غصب عنى يا والدى .. وجودى مكش ح يفدهم .. بالعكس يمكن كنت ضعفت وبوحت باسرار

رجال .. بيقدوا بارواحهم وطنهم

فضيلة : دينو انت بطل .. وانا فخورة بيك

نورا : انقذنا يا دينو .. انا وامك محتاجين ليك

هاما : دينو ابنك بيرفسنى ... الله حتى اسمع { يضع اذنه على بطنها } باين عليه ولد

دينو : { يعصر راسه بايديه } يارب مين يقدر يتحمل العذاب ده .. يارب الدم لوث ارضك .. والظلم بلغ مداه

.. وجيوش المسلمين تايهه فى ظلام الخلافات ومعادش فيه معتصم ولا صلاح الدين يوحدنا

{ صارخا } ايدكم فى ايدنا يامسلمين.. الطوفان هيقضى على الكل واسلاماه .. واسلاماه

{ اضلام - اضاءه خافته . دينو نائم وهو يردد واسلاماه . وتاتى حسناء حاملة كوب ماء. توقظة }

حسنا : يا اخ دينو قوم ... { يقوم مفزوعا } استغفر الله ... الظاهر انه كابوس

الأبطال

دينو : ينظر اليها فى استغراب انا حسناء اخت مجاهدة .. انضميت للمقاومة جديد {يتناول كوب الماء }
انت عارف انا كل ما يجينى كابوس اقوم اصلى ركعتين لله .. ارتاح واجدد نشاطى
بالتدريبات العسكرية .

دينو : ازعجتكم

حسنا : لا ابداء.. انا من كتر ما سمعت عنك من الزملاء قررت اتعرف عليك { صمت } واضح انك عانيت
كثير .. بتبص لى كده ليه .

دينو : اصلك جميلة قوى { مستدركا } اسف لجراتى .. بس

حسنا : { مقاطعة } ولا يهملك .. انا دايماسم الوصف ده .. لحد ما بقى شئ عادى بالنسبة لى { مبتسمة
{ يمكن كنت زعلت لو لاحظتشم جمالى

دينو : فىن باقى الزملاء ..

حسنا : اللى بيتدرب بره { بهمس } والقواد جوه بيخططوا للعملية الجديدة

دينو : وانت بتشاركى فى العمليات اللى بيقيموا بيها

حسنا : واضح انك شايف انى جميلة وبس .. انا شاركت فى عملية واحدة بس .. لحد دلوقتى .. ودى كانت
فى روجاتسيا مدينتك { يبدو الحزن على دينو } .. اسفه انى دوست على الجرح بتاعك

دينو : الجرح مفتوح و ح يفضل ينزف لحد ما ارد اعتبارى

حسنا : ماتخليش الانتقام هو هدفك الاساسى .. والا ح يعميك عن قضيتنا الرئيسية وهى الدفاع عن الوطن

دينو : غصب عنى .. الجرح كبير قوى .

حسنا : اتعلم تعيش مع جرحك .. وحاول تشوف حاجة كويسه فى وسط الضباب والهلاك اللى بيواجهنا .

دينو : { بيتسم بمرارة } حاجة كويسة

حسنا : ايوه .. انا مثلا شايفة ان اللى بيحصل لينا .. كان السبب فى تقوية اسلامنا .. وان الحرب دى
ابتلاء من ربنا بيختبر بيه صدق عقيدتنا

دينو : { باعجاب } انتى مين

حسنا : قلت لك .. حسنا { يدخل شاكر وعامر وراجى }

شاكر : { لدينو } اتعرفت على حسنا .. جميلة الجميلات .. وهية البطلة اللى فجرت مخزن الزخيرة فى
روجاتسيا قرب بيتكم

دينو : مخزن الزخيرة ده هو اللى انقذنى

راجى : ازاي

دينو : لان الجنود انشغلوا فى الانفجار .. وبكده قدرت اهرب منهم

حسنا : يعنى

عامر : انتو اتعرفتوا ببعض قبل ما تشوفوا بعض { بيضحكوا }

شاكر : نظرا لبطولة حسنا .. بقينا بعتمد عليها فى اصعب العمليات

حسنا : دى ثقة عالية يا فندم

شاكر : اننى تستاهلى يابطلتنا .. ودلوقتى ح نديك يا دينو انت وحسنا فكرة عن عمليتنا اللى ح نقوم بيها .. طبعا عارفين المنطقة { يشير للخريطة } اللى بيتركز فيها عدونا وسط الاشجار

وناصبين مدافعهم على الجبال فى مواجهة مدينة سربينا .. استعدوا لغزوها

دينو : مش الامم المتحدة اعلنتها منزوعة السلاح

شاكر : الصرب .. ما بيحترموش اتفاقيات دولية .. فى المنطقة دى { يشير لمكانها على الخريطة } فيه

مخزن ذخيرة واسلحة .. احنا ح نستغل نشوة فرحتهم بالنصر فى روجاتسيا واحتفالتهم اللية

دى .. و ح ناجمهم بقوة من ست الى ثمانى افراد و ح يكون معايا راجى فى القيادة

عامر : وانا

حسنا : وانا

دينو : وانا

شاكر : على مهلكم يا جماعة .. لو رحنا كلنا فى عملية واحدة .. ولا قدر الله فشلنا واستشهدنا ... مين اللى

ح يقود مجموعتنا .. انتوا ح تفضلوا هنا وعامر القائد فى غيابى .. تدرب المجموعة

وتحضرها وتجهزها لاي عملية جديدة ومعاك دينو وحسنا ح يساعدوك .

عامر : العملية ح تستغرق قدايه

شاكر : ربنا وحده يعلم بس اذا ماجيناش فى خلال ساعة خطط للعملية الجديدة بمعرفتك .. وربنا يوقفكم }

لراجى { يللا بينا

دينو : خد بالك من نفسك

شاكر : " وما تدرى نفس باى ارض تموت .. صدق الله العظيم " { يخرج راجى وشاكر }

حسنا : لما اخرج اتم على زملائنا اللى بيتدربوا بره { تخرج }

عامر : { لدينو } كنت عاوز اقولك سر بس توعدى الاول ما تجبش سيرة لحد

دينو : اوعدك { صمت } سر ايه

عامر : انا مريض من فترة(ينظر حوله)عندى تليف فى الكبد{ دينو بيندهش } وكنت مخبى مرضى عشان

الزملاء ما يستبعدونيش من المقاومة .. وانت عارف حاجة زى دى لو حصلت انا ممكن

اموت قبل ميعادى .

دينو : بس اللى بتعمله فيه خطر على حياتك

عامر : حياتى مالهاش لازمة .. ووطنى محتل .. اسمع يا دينو انا مش باقولك كده عشان تدور ليه على حل

.. وللا تقولى على اللى اعلمة انا باقولك كده عشان { يعطيه جواب } تخلى الوصية معاك

لو مت فى اى وقت .. تديها لابنى

دينو : عارف مكانه

الأبطال

عامر : مدينة سربينتسا .. عندي امل انه ح يعيش وانك هتلاقيه
دينو : { باستغراب } اوعدك .. { حسناء تدخل ومعها مجموعة من الفتيات والفتيان يبدو عليهم اثار السهر
والجوع والخوف }
حسنا : { لدينو } كانوا مستخبين فى الغابات اسبوع كامل لحد ما عترنا عليهم بالصدفة وعاوزين ينضموا
لينا ، عامر : اهلا يا ابطال
دينو : انتوا بين اهلكوا واخواتكم
فتى : انتوا عندكم اكل
فتاة : اصلنا جعانين لينا ايام .. تعبنا من عدها .. بناكل ورق الشجر وبنشرب لا مؤاخذه
فتى : { مبررا } احسن من الموت
عامر : خلو التفاصيل دى بعدين .. انتو ح تروحوا مع اختكم حسناء .. ح توفر ليكم كل حاجة عاوزينها
حسنا : { برقة } يللا بينا { يخرجوا معاها }
دينو : اطفال صغار وبنات فى عمر الزهور .. خطفتهم الحرب من حضن البراءة
عامر : يمكن الحرب فرضت علينا وعلى ابنائنا درس كان لازم نتعلمه من زمان
دينو : اى درس
عامر : البقاء للاقوى .. هو ده الدرس اللي اصبحت فرض نعلمه لابنائنا .. لكن لو كنا استعدينا للحرب دى
من بدرى .. وعملنا خلايا مقاومة قبل ما نطلب الانفصال . كان الحال اتغير
دينو : ومين كان ح يمدنا بالسلاح .. دول كانوا قافلين الحدود وحرميننا من حقوقنا المدنية . وحتى
العسكرية .. اعلى رتبة لمسلم هى ضابط ونادرا ما زادت عن كده . يعنى الخبرة العسكرية .
غير موجوده . مفيش غير اللجوء لتجار السلاح والمافيا .. ودى بتطلب مبالغ هائلة .. مين
ح يمدنا بيها والدول الاسلامية اما خاضعة لنفوذ اجنبى بيحركها زى ما هو عاوز .. او دول
فقيرة وضعيفة او .. { تدخل حسناء }
عامر : مكتوب على امتنا تبقى مداس للكلاب والاندال { صوت انفجار }
دينو : الابطال عملوها الجميع الله اكبر
حسنا : امتنا عمرها ما ح تبقى مداس لو اعتصمنا بحبل الله واتحدنا .. و الدليل على كده وجود مقاتلين
انضموا لخلايا المقاومة المختلفة .. من الدول الاسلامية وبيحاربوا ببسالة
عامر : فكرتيني فيه دفعه من المقاتلين الاجانب هنتضم لينا قريب .. و لازم حد يكون فى استقبالهم . بس
لازم نتأكد من نواياهم الاول قبل ما يشتركوا معنا فى الحرب
دينو : امتى جايين
عامر : بعد يومين { صمت } فى حالة فشل مهمة زملائنا ح يستنى حد منكم هنا لاستقبالهم
دينو : انا لازم اشارك
حسنا : وانا { صمت } وبعدين انت بتفرض ليه الاسوا .. ابطالنا ح يجوا غانمين ان شاء الله

الأبطال

عامر : دى امنيتى .. بس فى الحرب توقعى الاسوا .. واتصرف على اساسه

دينو : خطط بديلة يعنى { صوت طلقات رصاص }

حسنا : بمناسبة الخطط .. ايه الهدف القادم

عامر : كله متوقف على نجاح زملائنا .. { صمت . لحسنا } دخلى عناصر المقاومة اللي ح تشارك معانا

فى العملية { مجموعة مسلحة من الشباب والفتيات والفتيان .. بيدخلوا فى صف منتظم

والتزام عسكري . لدينو { مجموعة من الابطال ح يشاركونا العملية الجديدة { للجنود }

اعرفكم بدينو مقاتل اكيد بعضكم يعرفوا .. او شارك فى احد العمليات اللي قام بيها

دينو : انا سعيد بالتعرف عليكم .. واتمنى التوفيق لينا ولزملائنا { مداعبا } وان كنت ملاحظ ان عدد الفتيات

بدا يزيد فى المقاومة .. مش الحرب خطر عليكم

رضوى : { باعتزاز } الحرب ما بتفرقش بين راجل وامرة .. احنا بنتعرض للتعذيب الجسدى والنفسى اكثر

شيماء : الجيش الصربى بيعتبرنا غنائم حرب .. سبايا ووسائل ترفيه

دينو : انا اسف . مقصدش انى اضايكم بكلامى { يلتفت للفتيان } يا اولاد انتو مش خايفين

الفتيان : لا .. احنا ابطال

دينو : { يتقدم من حميد } انت اسمك ايه

حميد : انا المقاتل حميد .. شاركت فى عملية فدائية والحمد لله اثبت كفاءتى

دينو : عظيم .. سنك كام

حميد : ستاشر سنه .. لكن اهزم ستاشر جندى صربى جبان

دينو : اهلا بيكم يا مستقبل البوسنة { لعامر } ما ضاع حقه وراءه ابطال مؤمنين به

عامر : { ينظر فى ساعته } فاضل ساعة وخمس دقائق وثلاثين ثانية ويصل اخوانا سالمين باذن الله

{ يدخل شاكر وراجى ومجموعة من المقاتلين وقد صبغوا وجوههم جميعا } الابطال وصلوا

{ الجنود يهللون . زغاريد } حمد الله على سلامتكم

شاكر : كانت لحظات قاسية

راجى : { بحماس } بس قدرنا بفضل الله .. ندوقهم مرارة الهزيمة

دينو : الله اكبر { الجميع يرد } الله اكبر

الجميع : الله اكبر

شاكر : عامر متهيالى انك تريح نفسك المرة دى كمان لحد ما تتعافى

عامر : { بغضب } لا انا ح شارك .. ارجوك سيبنى ادى دورى نحو وطنى

شاكر : انت عنيد { يحضنه } بس بطل

عامر : دمرتوا المعسكر

شاكر : واسرنا كل اللي تبقى منهم على قيد الحياة

راجى : مش بس كده .. احنا قدرنا نحصل على ذخيرة وسلاح منهم .. تعوض اللي فقدناه فى العمليات
اللى قومنا بيها

الجميع : الله اكبر

شاكر : إقرأؤ الفاتحة على روح زملائنا اللي فقدناهم فى العملية دى { يرفعوا ايديهم . يقرأؤ }

دينو : ما لاقتوش حد من اهلى فى المعسكر الصربى

شاكر : للاسف اول ما هجمنا .. قتلوا الاسرى .. واللى عاش مات اثناء القتال انا اسف {صمت } بس معنا
فى الاسرى اتنين كانوا مشاركين فى العمليات الاجرامية فى شيلدوفيتشى وروجاتسيا . يمكن
تقدر تتعرف عليهم او يفيدونا بحاجة عنهم

دينو : { بلهفة } اشوفهم

شاكر : { لراجى } خليه يدخلو ا { راجى ياتى بهم . جنديين اثار الحرب بادية عليهم . مذعورين }

اسير [١] : احنا تحت امركم . بس اتركونا نعيش

اسير : [٢] ح نقول كل حاجة عاوزين تعرفوها

دينو : { يتفحص اسير ١ . يمسك بتلابيبه } انت كنت مع المجموعة اللي هاجمت بيتنا

اسير [١] : { بخوف } هو انت .. انا ماليش دعوة .. انا كنت بانفذ الاوامر

دينو : عملتوا ايه فى اهلى { شاكر يخلص الاسير من دينو }

شاكر : اهدا .. انا ح اعرف اخلية يقول كل حاجة .. بس اهدا { للاسير } اسمع لو قلت كل حاجة تعرفها
عن اهل دينو ح ترجعوا لاهلكم بسلام . اما لو ..

اسير [١] : { مقاطعا } ح اقول .. والدته واخته لسه على قيد الحياة

دينو : الحمد لله

شاكر : يعنى ما كانوش فى المعسكر ساعه ما هاجمناه

اسير [٢] : لا

شاكر : راحو فين { يصمت الاسير . مهددا } شكلك مش عاوز ترجع لاهلك

اسير [١] : الاشكال بنتشابه علينا .. والاسرى كثير هنفرق بينهم ازاي

شاكر : ح ترجع للغموض تانى

اسير [١] : انا هاقول لحضرتك .. انا كنت موجود لما هاجمنا بيته { يشير لدينو } وجريت وراه لما هرب ..

والحق انا تعبت من الجرى وراه قلت ارجع للضابط وابلغه لكنى خفت

شاكر : { مقاطعا } من غير تفاصيل كتيره ودتوهم فين

اسير [١]: معسكر سونيا { صمت } واحد من الضباط اخدهم المعسكر هناك عشان { صمت } انت عارف

ان الضابط بيكرهك بشكل خاص لان هروبك خلاهم يوقفوه عن المشاركة فى العمليات

الحربية

دينو : لازم اخلصهم من ايديه

الأبطال

شاكر : كده من غير خطه

دينو : كل دقيقة بتمر فيها خطر على اهلى

اسير [١] : ح تسيبونا نعيش

اسير [٢] : احنا قولنا كل حاجة .. مش كده

شاكر : { لاحد جنوده { خدهم بره دلوقتى

اسير : [١] { وهو خارج { المسلم بيقي بوعده .. مش كده

شاكر : كده يا عامر انت عارف العملية الجديدة فين

عامر : معسكر سونيا

شاكر : صح .. فيه صعوبة فى المعسكر ده

دينو : مهما كانت الصعوبة .. ح اقوم بالعملية دى

شاكر : ماتخلىش العواطف تغلبك . انت لو مت وانت بتحاول تنقذ اهلك تبقى ماعملتش حاجة .

حسنا : { لشاكر { ايه الصعوبة فى العملية

شاكر : { يتجه للخريطة { دى فى الحقيقة عبارة عن مدرسة محاطة بحراسة شديدة اسمع ان هناك عدد هائل

من المعتقلين .. اللى بيواجهوا اشد انواع التعذيب .. والوصول للمعسكر محفوف بالمخاطر

.. لذا يجب الحذر الشديد .

عامر : ممكن بالضغظ على الولاد دول .. نعرف منهم نقاط الضعف والقوة فى الحراسة حوالين المدرسة

شاكر : هاتهم حجرة الاجتماعات .. عشان نشوف ح نخترق المدرسة دى ازاي

{ يخرج شاكر و عامر و راجى و دينو و حسنا {

رضوى : { لشيما { انا عوزاك فى كلمة { تتتحى به جانبيا { انا خايفة

شيما : خايفة من ايه

رضوى : من الموت

شيما : خلاص خليك هنا .. وبرضه ح تخدمى المقاومة

رضوى : بس انا عاوزة احارب .. نفسى اشترك فى تحرير بلادى

شيما : حيرتيني معاك { مطمئنة { عارفه الموت فى عملية زى دى معناه ايه

رضوى : ايه

شيما : الشهادة . تدخل الجنة مع الابرار والصالحين بعيد عن الحروب والصراعات والاحقاد .. فى جو

كله حب ووثام

رضوى : { تردد بسعادة { الشهادة .. نفسى انول الشهادة { بتردد { بس فيه نوع من الموت اصعب من

الموت نفسه

شيما : هو الموت بقى انواع

رضوى : الاغتصاب .. انتى عارفه لو وقعنا فى ايديهم هيحصل لينا ايه { حالة من الوجوم تصيبهم {

الأبطال

رضوى : عاوزك توعديني بحاجة

شيماء : ايه هيه

رضوى : اوعديني الاول

شيماء : اوعدك

رضوى : لو لاقثنينى وقعت فى ايديهم .. تقتليني

شيماء [باستغراب] اقتلك بس

رضوى : اوعديني .. وانا برضه اوعدك انى ح اقتلك { تنظر اليها شيماء بتعجب } لو وقعتى فى ايدهم

حميد : { يقترب من شيماء } انتى فيكى شبه كبير من اختى

شيماء : انا يسعدنى انى اكون ختك

رضوى : هيه اختك فىن دلوقتى

حميد : مانتت .. او بمعنى اصح انتقلت

رضوى : انا اسفة ... وارجوك تعتبرنا اخواتك

حميد : انا راجل .. واختى مانتت شهيدة ... واهلى كمان

رضوى : احنا اهلك { يدخل شاكر ودينو وراجى وعامر وحسنا } {

شاكر : { المجموعة } عرفتوا ح تعملوا ايه

دينو : باذن الله ح نتوقف

عامر : { للمجموعة } جاهزين

الجميع : جاهزين { يخرجوا جميعا }

اللوحة الاخيرة

المكان : معسكر سونيا { مدرسة }

الديكور : فصل فى مدرسة .. مكشوف للخارج من الشبابيك الزجاجية الجانبية تخت متراسة فوق بعضها ..

بطاطين لقاء على الارض .. باب وحيد يؤدى لممر خارجى . تسمع دائما خطوات الجنود

الصرب فى المر على فترات . واصوات المحتجزات فى الحجرات الاخرى وهن يتوسلن

للجنود الصرب . { نورا واقفة امام الشباك ، تحاول تتبع الصوت القادم من الحجرة الجانبية

فضيلة وجميلة وسلوى جالسات على الارض . جميلة فتاة صغيرة فى السن بالرغم من

جسمها ينبئ بغير ذلك اما سلوى فيبدو عليها اثار الحمل {

فضيلة : { لنورا } خايفة

نورا : { بعصبية } اخاف من ايه .. اخاف .. طبعا اخاف .. لينا اسبوع واكيد الكلاب مدبرين لنا حاجة

كبيرة { لامها } انتى مش خايفة

فضيلة : بعد ما فقدت زوجى وابنى ما عدش فيه مجال للخوف

{ يقف جندي امام الشباك . تصرخ نورا متراجعة }

فضيلة : مالك { نورا تشير للشباك . فضيلة تبصق على الارض . الجندي يشير لها اشارات يفهم منها انه يريدنا }

نورا : { لفضيلة } شايفة بيبص ليه ازاي .. شايفة ابتسامته الوقحة

فضيلة : اسمعي { مهدده } لو استمررت على الضعف ده .. ح اقتلك انا بايدي .

نورا : { مندهشة } تقتليني

فضيلة : لازم تقاومي ضعفك .. وماتديهمش فرصه يتلذذوا بادخال الرعب لقلوبنا . توعديني

نورا : اوعذك اني ح اقاوم لحد اخر نفس في حياتي

{ صوت خطوات عالية يفتح الباب جندي صربي يلقي بكسرات الخبز الجاف . وabricق ماء . يغلق الباب }

سلمي : انا جعانة قوى .. { تاخذ كسرة خبز . وتتنظر حولها } ما حدش عاوز ياكل .. ده عيش ناشف وده

abricق ميه .. { تشمه بتائف } ريحته وحشه قوى { للجميع } كلوا علشان نقدر نقاوم . { تنظر

الى بطنها المنتفخة من الحمل . بمرارة } تقاوم

نورا : { مشجعة } يللا يا امي يللا يا جميلة خلونا ناكل علشان نعيش .. ونواجهم بذهن صافي }

توزع نورا كسرات الخبز على الجميع . يحاولوا الاكل بصعوبة . يشربون }

جميلة : { لسلمي } تفكرى انهم ح يقتلونا

سلمي : { تشير لبطنها } فيه حاجات اصعب من القتل

فضيلة : { زاجرة } حاسبى على كلامي { لجميلة مطمئنة } طفلة جميلة زيك يا جميلة مش ممكن حد يفكر

يقتلها .

سلمي : مسير الدوريجى عليها .. وتعرف كل حاجة

فضيلة : اياك تتكلمى معاها فى حاجة زى كده

جميلة : { تبكى } انا عارفه انهم ح يقتلونا زى ما قتلوا اهلى كلهم

فضيلة : انت ح تعيش لانك املنا كلنا فى بكرة

سلمي : وعلشان كده مش ح يرحمونا ولا حيرحمونا .. احنا هنا ٣٠٠ واحدة موزعينا حسب الاقدمية

ويعنى الدور جاى علينا كلنا .

نورا : ح نقاوم

سلمي : { بسخرية } حد يقاوم الموت ده كاس ودابير

نورا : هما بيعملوا كده ليه

سلمي : لانهم بيعتبرونا جزء من المعركة .. لازم يثبتوا جدارتهم فيه انا عارفه هما مستتئين لحد ما اولد

ويحرمونى من طفلى ويخلوه طفل صربي .. وساعتها يا اما يخلصوا منى او يخلونى لمتعتهم

جميلة : انا اختى قتلت نفسها .. ولما سالتها ليه قالت لما تكبرى ح تفهمى

سلمي : اختك شجاعة .. بطلة .. ياريتنى اقدر اعمل زيها .. بس انا جبانة

الأبطال

نورا : عليه اتاخرت خالص .. { صمت } انا قلقانه عليها

فضيلة : ربنا يسترها عليها

نورا : { لسلمى } انت وقعت فى ايدهم ازاي

سلمى : كنت فى مدينة موستار .. ولما هجم الكروات علينا ودمروا المدينة الجميلة . حرقوا وقتلوا باختصار

حولوها لمدينة اشباح .. اسرونا وفضلوا يعذبونا لحد ما الصرب استولوا على المنطقة الللى

فيها المعتقل . وانتقلت الملكية ليهم .. لاحد خد راينا ولا استشارنا وكاننا قطع اثاث

بيتصرفوا فيها زى ما هم عاوزين دون رقيب او وازع من ضمير { تدخل عليه وقد بدا

عليها الاعياء والانهاك } تسقط مغشيا عليها نورا وسلوى ياخذانها بجوار الحائط

نورا : جرى لك ايه يا عليه { تنظر اليهم بذهول . جميلة تزحف بعيد عنهم والرعب بادى عليها}

فضيلة : { لعلية } ردى عليا يابنتى .. طمنيى .. انت بخير

سلمى : { ساخطة } الكلاب .. اذوها { تخبط بطنها بعنف } احنا مالناش مكان فى العالم ده { تتدخل نورا

وتمنعها من خبط بطنها } سيبينى

نورا : انت بتعملى ايه يا مجنونه . لو حاولتى تسقطى الجنين الللى فى بطنك ح تموتى

سلمى : الموت ارحم { تواصل الخبط } ده ابن حرام { باستعطاف } ساعديني ارجوكى انا عارفه انى جبانه

لكن انتى قويه عنيكى بتقول كده الولد ده مش لازم يتولد ح ياخدوه ويبقى واحد منهم ..

وساعتها يملوه بالاحقاد على اهله ويبقى زيهم

نورا : حياتك اهم من انك تبددیشان او هام فى دماغك وبعدين انتى عارفه منين ان الازمه دى ح تستمر اكثر

من كده

سلمى : ماتخدعيش نفسك ... الازمة دى مستمرة وعمرها ما ح تنتهى الا بنهايتنا

فضيلة : { بسعادة } عليه بدا تفوق { تقترب منها سلمى ونورا . جميلة ما زالت متكورة على نفسها دون ان

يدرى بها احد } حمد الله على سلامتك يابنتى

عليه : { كالمحمومة } قلت لهم ارحمونى . قالوا ادخلى دينا . قلت لهم اقتلونى قالوا الموت رحمة .. وانت

حلوة وصغيرة ازاي تموتى قبل ما تتجبنى لنا اولاد صربيين { تبكى . صوت نشيج سلمى .

جميلة ترتعد خائفة }

عليه : مارحموش ضعفى . انكاثروا علي مقدرتش احمى نفسى

فضيلة : ابكى . فرجى عن نفسك . فرج ربنا قريب { تتحسس جبهتها } حرارتها مرتفعة لازم تتخفض ليها

الحرارة باى شكل { لنورا } فيه شوية ميه فى الابريق { تذهب لاحضارها } تقرا اية قرانية .

تاخذ ابريق الماء من نورا . تخلع طرحتها تبلها بالماء وتضعها على جبين عليه . بسم الله

الشافى العافى

نورا : رحمتك يارحيم ... عدلك يا عادل

سلمى : ايه الحكمة فى الللى بيحصل لنا .. الارض بقت خراب والا

الأبطال

نورا : { تقاطعها } اسكتى يا مجنونه

سلمى : الالهات والصرخات والتوسلات والدعوات بتجلجل فى بطن السماء كل لحظة ومفيش شعاع امل ..
مفيش دليل على وجود عدالة سماوية

نورا : استغفرى ربك ماتكفرىش برحمة ربنا

سلمى : ماعدتش واثقة

فضيلة : اخرسى . اوعى تتطقى باى كلمة تانى والا انا ح اموتك

سلمى : { تدرك خطاها } انا قلت ايه .. استغفر الله العظيم

سلمى : الجراح كتزت فى قلبى . مابقنش اعرف غير الكره والحقد على الدنيا .. دموعى جفت حتى الاله
مش راضية تطلع

عليه : { تهذى } ارحمونى سيبونى

نورا : عليه

فضيلة : سيبها ترتاح .. السخونية بتزيد فى جسمها . وربنا يستر

سلمى : { لفضيلة } تفتكرى ممكن حد يتزوجنى بعد كل اللى حصل ليه

فضيلة : الاف الشباب بيتمنوا شابه جميلة زيك و اخلاقها عاليه

سلمى : { بحرارة } هيا اللى تحمل سفاح .. بيقى عندها اخلاق

فضية : وانتى ذنبك ايه

عليه : ارحمونى

سلمى : وحتى لو لقيت شاب مناسب تفتكرى ممكن امر بتجربة الزواج تانى .. صعب

عليه : سيبونى

نورا : هيه جميله فين { ينظروا جميعا الى جميلة . تنظر اليهم مذعورة } يا خير ازاي نسيناك

فضيلة : انشغلنا عنك يا بنتى { تقترب منها نورا تتكلمش اكثر وتهممهم }

نورا : تحاول طمئننتها { تتشاك اكثر } اهدئى

فضيلة : انت لسه صغيرة على الهم ده كله

نورا : { لنفسها } مش قادرة اطمئنك على نفسك واقول لك محدش ح يلمسك لانى محتاجة حد يصرخ فى

وشى يقولى انت فى امان

جميلة : { تقلت من نورا . تصرخ } رجعونى قريتى .. عاوزه امشى من هنا .مش عاوزه حد يقرب منى }

حالة وجوم تصيب الجميع . تعود جميلة للجلوس على الارض والتكور وتهممهم . صوت

الباب يفتح . تبتعد نورا وسلمى الى نهاية الحجرة بينما تقر جميلة بعيدا . يدخل ميكولا }

فضيلة : { تتجه ناحية ميكولا متممة . ميكولا يتراجع } تعالى يا جبان

الأبطال

ميكولا : { حاملا ست صوانى للالكل بصعوبة } انا .. انا ... الاكل .. انا الاكل .. ضع الصوانى على احد
التخت انا ما عملتش حاجه ... انا حتى عندى عجز .. اسالوا { متداركا } مش ح اقول لكم
ده .. وانا صغير ... لا .. لا .. لا .. مش هاتكلم

سلمى : كلاب

ميكولا : دى شتيمة .. لا مش شتيمة .. ممكن تكون

فضيلة : { تفرغ عصبيتها فى ميكولا } انتوا ايه .. مفيش عندكم رحمة .. فاكرينا عبيد عندكم ح تعملوا فينا
زى ما نتو عاوزين

ميكولا : انتو مش عبيد ... انتو عاهرات

فضيلة : يا كلب وكمان خلتونا عاهرات

ميكولا : انا ما قلتش هما الى قالوا ... القائد قال اقول لكم خبر حلو

فضيلة : خبر ... حلو .. من وشك يا صرصار

ميكولا : { متعجبا } صرصار .. لا .. صرصار صرصار

فضيلة : خبر ايه

ميكولا : سمعت انهم ح طلقوا سراحمك انتوا وباقى النساء الللى فى المعسكر

نورا : { بسعادة } صحيح

ميكولا : اكيد .. { لنورا } انت جميلة

فضيلة : وبعدين كمل ... ايه المقابل قصاد العمل ده

ميكولا : ح بيادلوكم .. باسرى من جيشنا

نورا : الظاهر انه بيتكلم جد

ميكولا : طبعا جد { فضيلة } مالك حزينه افنكرت انك ح تتبسطى

فضيلة : ازاي وافق جيشنا على ده .. يطلقوا سراح جنودكم .. وهما عارفين ان الجنود دول ح يرجعوا

يچاربونا

ميكولا : على حد علمى .. قائدكم قال ان الرجالة يقدروا يتحملوا الاسر لكن النساء لا

عليه : سيبونى اوعى حد يقرب منى

ميكولا : { لنورا } تعرفى انا بكره الحرب

نورا : وبتحارب ليه

ميكولا : { بهمس } انا لو رفضت ح يلقو ليه تهمة ويقتلونى .. اقولك سر

نورا : سر ايه

ميكولا : انا شفت اخوكى لما هرب

نورا : دينو عايش

فضيلة : صحيح ابنى عايش

الأبطال

ميكولا : هـش ش .. بشوئش انتوا عاوزينهم يقتلونى

فضيلة : حاضر بصوت واطى { بهمس } ابنى عايش

ميكولا : انا شففته واحنا بنطارده .. كان مخبى نفسه وسط بعض الجثث .. سيبتته و عملت نفسى مش شايفه

فضيلة : وايه اللى خلاك تعرض نفسك للخطر

ميكولا : { بحزن } كرهت القتل .. كرهت الدم .. متصوريش صور الضحايا اللى كنا بنقتلهم بدم بارد ..

عمرها ما فارقت خيالى .. احنا بشر برضه .. بنحس بس تعملى ايه لما الكره والطمع يجتمع

فى قلوب القواد والجهلاء .. تعرفوا .

فضيلة : ايه

ميكولا : طول عمرهم فى الاصلاحية . بيعلمونا حاجة واحدة .. الكره . لكم كنا بنتعاطى الحقد والغل مع

كل وجبه .. زى المخدرات بالضبط . كانوا بيحطوا هيكل لانسان مسلم .. ويخلونا نضرب

فيه بالعصى بلا رحمة .. ولانى دايم كنت باظهر قرفى من الى بيجرى كانوا دايم

بيعايرونى بانى جبان .. ضعيف .. واضطهدونى .. صحيح انا عارف ان ادراكى للامور

ضعيف . زى ما تكون فيه سحابه على مخى بتحجب عنى امور الحياه .. ولما رفضت

اشارك فى الاغتصاب بحجة اخترعتها وهى انى عاجز عن ممارسة { صمت } وصمونى

بالعار وحولونى للخدمات المعاونة ... افتكروا انهم بيعاقبونى لكن كده افضل

نورا : مش عارفه نصدقك .. بس ازاي نثق فى كلام صربى

ميكولا : مسير الايام تثبت لك .. صدق كلامى { لنفسه } لو تعرفى حبك غير فيه قد ايه

عليه : ارحمونى الجامعة .. الطب

فضيلة : { تقيس حرارتها } حرارتها فى ارتفاع شديد

ميكولا : اشوف لها الدكتور { يدخل الضابط ديفانوفيتش ومعه الجنود . نورا وسلمى يقفان جانب جميلة .

فضيلة متمرة وهى تضع ضمادة على جبين عليه {

ميكولا : (للقائد) سيدى ... ممكن نستدعى الدكتور

الضابط : دكتور ليه .. نويت تموت وتريحنا

ميكولا : اصل .. احد .. { يشير لعله } عي .. عيانة

القائد : { يصفعه } انت عار على جيش الصرب ضعيف

ميكولا : بتضربنى ليه { صمت } انا باكرهك

الضابط : انت نسيت .. اول درس اتعلمته فى الحرب

ميكولا : { يبصق على الارض }

الضابط : { صفة } احترام القائد ... عدم التعاطف مع العدو

ايفانوفيتش : لكن الدكتور

الضابط : اخرس .. مش كفاية ان زملائي بيشاركوا فى تطهير الارض من المسلمين الكلاب وانا واقف

هنا مع بغل زيك باسمع اخبار الحرب .. وكله بسبب هروب ابنها

الضابط : { لميكولا } بالمناسبة انت كنت مستفرد بالبنات الحلوة دى .. طبعا مش علشان الترقية { يضحك } ما

انت زيك زيهم .. يا عاجز

ميكولا : انا ... ان .. انا راجل .. مش .. ست

الضابط : ح اقطع لسانك علشان ردك عليه .. تعرف ح وديك مستشفى المجانيين

ميكولا : ياريت

ايفانوفيتش : { لميكولا } خذنى معاك

الضابط : الله ... الله ... ده تمرد

ايفانوفيتش : انا عاوز ارجع السجن .. هناك كنت باعمل حاجة مفيدة .. باعمل اثاثات خشبية .. كراسى ..

دواليب .. كنت مبسوط .. باكره الدم .. ايدى ملونه بالدم ورائحتها { يشمها } ريحة دم ..

كرهت اللون الاحمر .. نفسى انزعه من جسمى

الضابط : يا عينى على جيش الصرب .. اللى العالم كله بترتجف منه . ازاي نحقق حلمنا فى دولة صربيا

العظمى واعدنا بلاوى زيكم .. واحد متخلف والتانى اهل انا ح احولكم لمحكمة عسكرية

{ ينظر لعله } ها .. جميلة الجميلات { ترتعد عليه } مالك .. انت نسيتينى بسرعه كده

فضيلة : ابعد عنها .. احنا دلوقت معدناش تحت سيطرتك

الضابط : ازاي يا حلوة

فضيلة : احنا عرفنا انكم ح تبادلونا مع اسرى حرب

الضابط : { ينظر بغضب لميكولا } لحقت تبلغهم يا كلب .. يا جاسوس

ميكولا : انا .. مش جاسوس .. والخبر ده كانوا ح يعرفوه دلوقت او بعدين

الضابط : بتسرب اسرار الجيش وبتقول مش جاسوس { لفضيلة } لسه فاضل ست ساعات على التبادل ..

يعنى قدامنا وقت طويل نقدر نعمل فيه حاجات كتير ياحلوة .. { لاحد جنوده } هات الست ده

.. وتعالى ورايا

ميكولا : { يعترض طريق الجندى } لا

الضابط : بتقول ايه يا نحس

ميكولا : [باصرار] باقول سييهم

ايفانوفيتش : وانا برضه ..

الضابط : ده تمرد بقى .. والتمرد عقابه القتل { يطلق الرصاص على ميكولا وايفانوفيتش ويلتفت للجنود }

هات الست دى وبنتها .. بينى وبينهم حساب طويل

فضيلة : { تقاوم دون جدوى } مش ح تفلتوا من العقاب

نورا : مسير العالم يعرف جرايمكم ويحاسبكم عليها { صوت طلقات رصاص بالخارج }

الضابط : ايه الضرب ده .. { للجنود } سببهم دلوقتى وتعالوا نشوف ايه اللي بيجرى بره {يدخل جندى }
حصل ايه

الجندى : اراهبيون مسلمين بيهاجموا معسكرنا

الضابط : جم لنا بنفسهم .. يللا بينا نلقنهم درس عمرهم ما ينسوه { يخرجوا }

فضيلة : { بفرحة } مش قلت لكم فرجه قريب

نورا : يارب وفقهم فى حل اسرنا { صوت تبادل اطلاق النار بيزيد ويقرب لجميلة } خلاص ح ترجعى

لاهلك { تقف جميلة وتجرى الى نورا .ترتمى فى حضنها } ايوه يا حبيبتي ح تعودى لاهلك

ولمدرستك وحياتك

جميلة : بس اهلى ماتوا كلهم

فضيلة : احنا اهلك .. انت ح تيجى تعيشى معانا .. ايه رايك

جميلة : موافقة

فضيلة : تعالوا يا بنات حواليه { يتجمعوا حولها } يللا نقرا القرآن { يرددوا الايات فى خشوع يدخل الضابط

وجنديان بملابس ممزقة }

فضيلة : { للبنات } افقوا فى الركن هناك { ينسحبوا بعيد . تساعد عليه على الوقوف تبعتها }

ص خارجى : استسلموا لنا .. مش عاوزين نستخدم العنف

الضابط : لو حد قرب حنقتل الاسرى

الام : { لنورا لفرعة } الصوت ده صوت ابني { سلمى تاخذ السلاح منيد نيكولا }

نورا : ايوه صحيح { يسمعهم احد الجنود . يتجه للضابط }

الجندى : الست اللي هناك بتقول ان الصوت اللي بيتكلم صوت ابنها { ويشير لفضيلة }

الضابط : رائع { للصوت الخارجى } امك واخنتك رهائن فى ايدينا .. لو وقفوا فى طريق هروبنا . ح

نقتلهم

ص خارجى : { بتردد } سبينا نتشاور ثوانى . بس اوعى تاذى حد منهم والا

الضابط : بسره

سلمى : { لعليه } انا معايا سلاح سرقنها منه { تشير لميكولا }

عليه : { بهمس } هاتيه

سلمى : { بشك } ح تعملى بيه ايه

عليه : هاتى وبعدين اقولك

سلمى : { تعطيه لها بتوجس } خدى السلاح واوعى تكونى ناوية تعملى حاجه فى نفسك

عليه : ما تخافيش { تقرب من الضابط }

الضابط : { لعليه } ارجعى مكانك { يصوب الجندى السلاح ناحيتها } تتظاهر بالتراجع ثم تحاول الهجوم

على الضابط { يقتلها الجندى }

الأبطال

الضابط : ده مصير اى واحده تعمل نفسها بطله .. يا عاهرات

سلمى : { بحزن . لعليه } عملتى كده ليه

عليه : كان لازم اقتله . وادفعه ثمن جريمته { تموت . يضرب الضابط رصاصه لتهديديهم . يقفز عامر من

الشباك . وقبل ان ينتبهوا يدخل دينو وبقية الافراد من الباب . يستسلم الجميع . سلمى تاخذ

السلاح من يد عليه)

دينو : امى جببىتى

فضيلة : ابنى البطل .. الحمد لله على سلامتكم

دينو : حد از اكم

نورا : حد يقدر وانا اخت البطل { يضحكوا . تخلع حسناء ورضوى وشيماء طاقياتهم {

نورا: { باندهاش { معقولة انتو .

حسنا : مقاتلات .. اخواتكم

فضيلة : ومش خايفين يابنتى لتموتوا

رضوى : احنا موتنا قبل كده الف مرة وجه الوقت الى نرد لهم جزء من اللى عليهم

عامر : { يتأمل سلمى { معقولة .. اننى لسة على قيد الحياة

سلمى : انت مين

عامر : انا عامر جارك .. مش فاكرانى { يقترب منها تتراجع . تمسك بالسلاح مهده {

سلمى : لو قرب منى ح موت نفسى

نورا : متخافيش يا سلمى .. انت دلوقتى وسط اهلك .. الايام الصعبة عدت . انتى دلوقتى حره

سلمى : { بمرارة { حرية .. جت متاخرة ... ما كل حاجة ضاعت

دينو : { لسلمى { بكرة قدامنا نعوض فيه كل اللى فاتنا

سلمى : حتى الشرف

حسنا : للاسف الاغتصاب وسيلة كل محتل جبان

شيماء : بيحاولوا يكسروا روح العزة والكرامة داخلنا .. وبكده يزرعوا الياس فى نفوسنا ويستولوا على

ارضينا

رضوى : {لسلمى { بدل ما تقتلى نفسك ونخسر مقاتله زيك ايدك فى ايدنا تتضمنى للمقاومة ونظهر بلادنا

منهم { سلمى تلقى السلاح . وتمد ايدها لرضوى { عظيم انت كده بقيتى بطلة مسلمة

نورا : وانا ح انضم لكم

فضيلة : وتسيبوني انا لوحدى .. انا كمان ح انضم ليكم { جميلة { ومعايا بنتى جميلة

دينو : الحمد لله . روح البطولة عادت للوطن .. وكده رجع الامل فى تحرير كل حتته فى ارضنا

الضابط : اتراك كلاب { عامر يصبوب للضابط {

دينو : لا سيبه .. دى حياته تساوى الكثير لنا { للجنود { هاتوهم معنا

الأبطال

عامر: يلا نخرج بسرعة من هنا .. قبل ما قوات الصرب تحاصرنا { يخرجوا . عامر يتعثر فى خطواته }

عامر : اه { يعود دينو } الظاهر ان الرحلة انتهت يابطل

دينو : انت ح تكمل المشوار معنا

عامر : مفيش داعى للكلام الكثير الوقت ضيق والصرب زمانهم بيستعدوا للهجوم على المكان

دينو : انت ح تيجى معنا

عامر : آه.. البوسنة امانه فى ايديكم يا صديقى { اظلام تدريجى }

ص . الراديو : توصلت المباحثات اليوم فى دايتون الى التوقيع على اتفاقية يتم بموجبها وقف العمليات العسكرية خلال الايام القادمة تمهيدا لاقامة حكم تكون من مجلس رئاسى صربى وبوسنى وكرواى مشترك . هذا ومن المقرر ان تنتشر قوات الامم المتحدة فى جميع انحاء البوسنة والهرسك خلال الاسابيع القادمة .

تكرار للتوشيح : المصلين يا رسول الله يا نبى . يا رسول الله يا نبى

الامام : يا رسول الله يا نبى

المصلين : يا نبى

اظلام